

## ИНСОН ТАНАСИДАГИ МЕРИДИАНЛАРДА ЖОЙЛАШГАН БИОФАОЛ НУҚТАЛАР ЭЛЕКТР ҚАРШИЛИГИНИНГ ҚИЙМАТЛАРИДАН ҚАНДЛИ ДИАБЕТ КАСАЛЛИГИНИ ТАШХИСЛАШ ВА ДАВОЛАШДА ФОЙДАЛАНИШ

А.А. Гулиев

Жizzax политехника институти «Ишлаб чиқариш жараёнларини автоматлаштириш»

кафедраси ўқитувчиси

Г.У. Жўраев

Мирзо Улуғбек номидаги Ўзбекистон Миллий университети «Ахборот хавфсизлиги»

кафедраси мудири

У.У. Турапов

Жizzах политехника институти «Ишлаб чиқариш жараёнларини автоматлаштириш»

кафедраси мудири

<https://doi.org/10.5281/zenodo.7392188>

**Аннотация.** Ушбу мақолада инсон танасидаги меридианларда жойлашган биофаол нуқталар электр қаршилигининг қийматларидан қандли диабет касаллигини ташхислаш ва даволашда фойдаланиш тақлиф қилинган. Шу мақсадда биофаол нуқталаридаги электр қаршилиги миқдорини ўлчашга мўлжалланган биоўлчов (биометр) қурилмаси ишлаб чиқилган. Қандли диабет касаллигининг 1,2-турлари билан оғриган беморлар ва соғлом инсонлар биофаол нуқталаридаги электр қаршилигининг қийматлари мазкур қурилмада ўлчанган ва солиштирилган.

**Калим сўзлар:** қандли диабет касаллигига қон таркибидаги глюкоза миқдорини ўлчаши, биофаол нуқталар, электр қаршилиги.

## ИСПОЛЬЗОВАНИЕ ПОКАЗАТЕЛЕЙ ЭЛЕКТРИЧЕСКОГО СОПРОТИВЛЕНИЯ БИОАКТИВНЫХ ТОЧЕК, РАСПОЛОЖЕННЫХ В МЕРИДИАНАХ ТЕЛА ЧЕЛОВЕКА ПРИ ДИАГНОСТИКЕ И ЛЕЧЕНИИ САХАРНОГО ДИАБЕТА

**Аннотация.** В данной статье предлагается использовать значения электрического сопротивления биоактивных точек, расположенных в меридианах тела человека при диагностике и лечении сахарного диабета. Для этого был разработан биометрический прибор, предназначенный для измерения электрического сопротивления в биоактивных точках. В этом приборе измерялись и сравнивались значения электрического сопротивления в биоактивных точках больных сахарным диабетом 1, 2 типа и здоровых людей.

**Ключевые слова:** измерение уровня глюкозы в крови при сахарном диабете, биоактивные точки, электрическое сопротивление.

## THE USE OF INDICATORS OF ELECTRICAL RESISTANCE OF BIOACTIVE POINTS LOCATED IN THE MERIDIANS OF THE HUMAN BODY IN THE DIAGNOSIS AND TREATMENT OF DIABETES MELLITUS

**Abstract.** In this article, it is proposed to use the values of the electrical resistance of bioactive points located in the meridians of the human body in the diagnosis and treatment of diabetes mellitus. For this purpose, a biometric (biometric) device designed to measure electrical resistance at bioactive points was developed. In this device, the values of electrical resistance in bioactive points of patients with type 1, type 2 diabetes mellitus and healthy people were measured and compared.

**Keywords:** measurement of blood glucose in diabetes mellitus, bioactive points, electrical resistance.

## КИРИШ

Глюкоза миқдорини ўлчашнинг қон таркибидан намуна олишга асосланган тиббий инвазив усулларидан ташқари турли асбоблар (глюкометрлар) билан ўлчаш усуллари пайдо бўлди [1,2,3]. Бундай глюкометрлар ёрдамида уй шароитида глюкоза миқдорини ноинвазив усулда мунтазам текшириб бориш мумкин. Қон таркибидаги глюкоза миқдорини ўлчашнинг ноинвазив усули глюкоза даражасини назорат қилишнинг стандарт усулига нисбатан хавфсиз, оғриқ келтирмайдиган, максимал даражада қулай бўлган усулдир. Ноинвазив усул доимий текширишни осон ва тез амалга ошириш имконини беради. Биринчи марта тадқиқотчилар бундан 30 йиллар олдин қондаги глюкоза даражасини аниқлашнинг ноинвазив ташхис қилиш усуллари билан қизиқдилар [4]. Ўшандан буён ўлчашнинг турли хил таъсирларга эга бўлган 10 дан ортиқ турлари пайдо бўлди.

Хозирги кунда қандли диабет (КД) да қон таркибидаги глюкоза миқдорини ўлчашнинг бир қанча ноинвазив қурилмалари мавжуд, аммо бу қурилмалар нархи юқори бўлганлиги сабабли республикамизда кенг тарқалмаган. Шу боис, юқори самарадорлик билан реал вактда қон таркибидаги глюкоза даражасини ноинвазив ўлчаш имконини берувчи, нархи хорижий аналогларидан анча паст бўлган қурилмани ишлаб чиқиш республикамиз илмий жамияти олдида турган долзарб масалалардан бири ҳисобланади.

## Биофаол нуқталардан фойдаланиб, информатив параметрларни шакллантириш.

Инсон организми мураккаб тизим бўлиб, унда биофаол нуқта (БФН)лар тўплами мавжуд. БФНнинг физиологик хусусияти шундаки, орқа миянинг тегишли қисмлари орқали ҳар бир биофаол нуқта маълум бир органнинг бир қисми ёки функцияси билан ўзига хос тарзда боғланган бўлади. Агар орган касал бўлса, у ҳолда биофаол нуқталар параметрларининг нормал қийматлари ўзгаради ва унга мос келадиган нуқта оғриқли бўлади. Одатда орган билан боғланган нуқталар тўплами "меридиан" ёки "канал" деб номланади. Биофаол нуқталардан фойдаланиб, касалликни тасхислаш органлар, меридианларнинг касаллик ҳолатини башорат қилиш ҳамда ультратовуш, ЭКГ ва шунга ўхшашиб тиббий қурилмалар билан боғлиқ клиник текшириш усуллари аниқлай олмаган ўзгаришларни эрта босқичда аниқлаш имконини беради.

*Хитой анъанавий табоботи.* Қадимги Хитой табоботида одам танасида 1000 дан ортиқ БФН мавжудлиги ва улар 14 та ( шундан, 12 таси симметрик ва 2 таси ўрта) меридиан (канал)ларга узвий боғланган бўлиб ўз биофизик параметрлари нормал ҳолатини сақлаб туриши, меридианларора энергия оқимиини бир меъёрда тақсимланиши инсон танасида соғлом муҳитни шакллантиради деб таъриф берилган [4]. Ушбу меридианлар инсон танасидаги барча ички аъзолар билан узвий боғланганлиги ўз исботини топган.


Биофаол нуқталардан фойдаланиб, ташхис қўйишида шифокор БФНда электр токининг ўтказувчанлигини (қаршилигини) ўлчайди. Ушбу ўлчовлар меридианларнинг ҳолати ва уларга мос келадиган ички органлар ҳақида қизиқарли маълумотлар беради.

**Фолл усули.** Ушбу усул электропунктур диагностика ва даволаш усули бўлиб, биологик фаол нуқталарнинг электр ўтказувчанлиги ҳамда бемор органлари ва тизимларининг функционал ҳолати ўртасидаги боғлиқликка асосланган [5]. Фолл усули биорезонанс диагностикаси каби йўналишни пайдо бўлишига туртки бўлди ва мазкур усул инсон танасининг электр қаршилигини ўлчаш натижаларига кўра ташхис қўйиш учун ишлатилади.

Шифокор БФНда электр токининг ўтказувчанлигини (қаршилигини) ўлчайди. Ушбу ўлчовлар меридианларнинг ҳолати ва уларга мос келадиган ички органлар ҳақида кизиқарли маълумотлар беради.

**Риодораку (Накатани бўйича) тасхислаш тести.** Ушбу усул япон шифокори Накатани томонидан 1950 йилда таклиф қилинган бўлиб, Японияда мажбурий профилактик текширувлар рўйхатига киритилган. Накатани инсон танасида электр ўтказувчанлиги юқори бўлган чизиқларни топди, бу чизиқларни у «риодораку» деб номлади, бу японча «электр токини яхши ўтказувчи чизик» маъносини англатади. Тадқиқотлар шуни кўрсатадики, риодораку чизиқлари юқорида келтирилган «хитой» меридианлари билан тўлиқ мос келади. Накатани фикрига кўра ички органлардаги хар қандай ўзгаришлар, албатта, инсон терисида акс этади. Меридианлар бу ўзгаришларнинг сезигир кўрсаткичлари бўлиб, хавфни ва маълум даражада унинг катталигини билдиради [6].

Риодораку ҳодисаси нафақат орган касаллиги билан боғлиқ ҳолда қайд этилади, балки унинг физиологик ўзгаришларини ҳам акс эттиради, шунинг учун «физиологик» ва «патологик» риодораку тушунчалари мавжуд. Электр ўтказувчанлиги маҳсус зоналарда ўлчанади ва олинган маълумотлар риодораку харитасида акс эттирилади. Агар барча кўрсаткичлар физиологик нормаларга мос келса, у ҳолда асаб тизимининг функциялари яхши мувозанатлашган бўлади, бу эса соғлом одамларга хосдир. Орган касалланган ҳолатларда кўрсаткичлар физиологик нормаларга мос келмайди. Кўрсаткичларнинг физиологик нормалардан сезиларли фарқланиши эса мос функционал тизим ёки органнинг патологиясини ишончли акслантиришини англатади ва унга мос келувчи ўзгаририлган электр ўтказувчанлиги чизиги патологик риодоракуни кўрсатади.



**1-расм. Кўп каналли электропунктура диагностика усули қурилмасининг функционал схемаси.**

Ҳозирги кундаги мавжуд маълумотлар чуқур таҳлил қилиниб, ҚДни даволаш учун энг оммавий тарзда ишлатилиб келинаётган БФН аниқланди ва улар ҳақидаги маълумотлар 1-жадвалда келтирилган.

#### 1-жадвал.

##### ҚДни даволашда қўлланилиб келинаётган биофаол нуқталар.

БФНнинг хитойча номи	Илмий манбалар
Тай-юань, Хэ-гу, Чун-янь, Тай-бай, Шэнь-мэнь, Цзин-гу, Тай-си, Да-лин, Ян-чи, Сюсюй, Тай-чун, Вань-гу, Сань-цзянь	Ж. Накатани, Е.В. Бойко, И.И. Мятков, Л.М. Вардинец
Пи-шу, Тай-бай, Лэ-цзю, Чи-цзе	В.Я. Труфанова, Э.П. Яроская, Е.П. Камышева, B. Viggani, P.A. Lepron
Лэ-цзю, Чань-Цзянь, Тай-бай, Гунь-сунь, Тай-си, Чжао-хай	М.В. Вогралик, В.Г. Вогралик, А.В. Туев, Л.В. Савина
Цзу-сань-ли, Пи-шу, Гунь-сунь	R De Le Fuy, M.В. Вогралик


**Биофаол нуқталаридаги электр қаршилиги микдорини ўлчашнинг биоўлчов қурилмаси.** Муаллифлар томонидан БФНдаги электр қаршилигига (ЭК) микдорини ўлчашга мўлжалланган биоўлчов (биометр) қурилмаси ишлаб чиқилган [7]. Бу биоўлчагиччининг функционал схемаси 1-расмда берилган. Қурилмадан фойдаланишда ўлчаш 1 мкА стабил токда икки диапазонда (1 МоМ гача ва 8 Мом гача оралиқдаги) олиб борилади. Қурилма қўйидаги блоклардан ташкил топган (1-расм): ток манбаи, ўлчагичли кучайтиргич, буфер каскади, таққослаш қурилмаси, ток генератори, калит, чиқиш қурилмаси.

Қурилма қўйидаги тартибда ишлайди: ток манбаи 1 қаршилиги  $R$  қаршиликтини қувватлаб, одам танасига 1 мА гача ўзгармас ток юборади. Ўлчагичли кучайтиргич-2


ёрдамида мА (микроамперметр) ток танага кириб чиқиб кетаётганда қисқа туташув натижасида кучланиш тушиб кетиши кузатилади.  $R$  да ЭК пропорционал бўлади, курилмада БФН ни ЭК ўлчашга эришилади. Коммутатор  $K_1$  БФНдаги ЭКни ўлчашни 2-диапазонда олиб боришга кўмаклашади (1-диапазон 1 МоМгача 2-диапазон 8 МоМ-гача).  $R_1$  ва  $R_2$  резисторлар ЭКни ўлчаш диапазонини яратиб беради. Буфер каскад 3- орқали чиқиши сигнали 4- таққослаш қурилмасига тушиб, 5-  $v_{mom}$  га етганда қисқа туташув ҳосил қилади, 6 – калитда қисқа туташув ,7- чиқиши қурилмаси орқали 8- товуш (сигнал) чиқариб БФН топилганлигини аниқлаб беради, биз БФНдаги ЭК миқдорини ўлчаш имконига эга бўламиз, бу жараён 10-25 секунд талаб этади.

**2-жадвал.****Ўтказилган кузатишлар сони тўғрисида маълумот.**


Гурӯхлар	Синф	Сони	Тажриба сони	Вакти
Соғлом инсонлар	A	80	120	8:30
ҚД 1-тури (инсулинга мойил диабетик)	B	200	750	8:30
ҚД 2-тури (инсулинга мойил бўлмаган диабетик)	B	90	880	8:30
Жами кузатишлар сони		370	1750	



**2-расм. Ўртacha ёши 24 ёшгача бўлган соғлом инсонларнинг информатив биофаол нуқталардаги электр қаршилиги миқдори.**




**З-расм. Ўртacha ёши 40 ёшгача бўлган соғлом инсонларнинг информатив биофаол нуқталардаги электр қаршилиги миқдори.**



**4-расм. ҚД касаллигининг 1-тур bemорларидан олинган информатив биофаол нуқталардаги электр қаршилиги міндері.**

Тошкент тиббиёт академиясининг 1-чи клиникаси эндокринология бўлимида КДнинг 1,2-турлари билан даволанаётган bemорлар ва соғлом инсонлар учун ушбу қурилмадан фойдаланиб, “Риодораку” тизими бўйича БФН ларда 1750 та кузатиш олиб борилди (2-жадвал).



**5-расм. КД касаллигининг 2-тур беморларидан олинган информатив биофаол нұқталардагы электр қаршилиги міндері.**

## ХУЛОСА

Кузатиши жараёнида БФН электр қаршилиги (кОмда) ва қон таркибидаги глюкоза міндері ортотолуиддин биокимёвий усулидаги күрсатгичлар (ммоль/л ёки мг%) таҳлили олиб борилди. Тиббиёт мутахассисларининг тавсиясига кўра, соғлом инсонлар ва беморлар 24 ёшгача, 40-ёшгача ва ундан юқори гурухларга ажратиб, БФНлардаги параметрларни қийматлари ўрганилди. Чунки, бу гурухларда ёш билан боғлиқ информатив параметрлар ўртача қийматларининг ўзгаришларига функционал жараён таъсири кузатилган. Биоўлчов маълумотлар натижалари, яъни БФН ЭҚ соғлом одамлардан олинган маълумот 2,3-расмларда ва КДнинг 1,2-турлари бўйича олинган маълумотлар 4,5-расмларда келтирилган.

Олинган маълумотлардан кўриниб турибдики, информатив БФНдаги ЭҚ міндері соғлом инсонлардагига нисбатан КДнинг 1,2-тур беморларидағи айrim БФНдаги ЭҚ юқори эканлиги кузатилди. Хусусан, соғлом инсонларда ЭҚ міндері 22,5-139,0 кОм гача қийматларга эга бўлса, КД касаллиги билан оғриган беморлар 1-турида ушбу күрсаткич 92,4-659,4 кОм, КДнинг 2-турида эса 251,8-695,4 кОм гача ўзгариши аниқланди. Бу эса беморлар организмида содир бўлган ўзгаришлар натижасида уларнинг терисидаги биафол нұқталардаги электр қаршилигининг ўзгаришини англаатади.

БФН тизими нафақат алоҳида орган, балки бутун организм ҳақида ахборот беради. Муайян органнинг фаолиятига жавобгар бўлган нұқта электр қаршилигининг қиймати нормал қийматдан қанчалик катта бўлса, патологик жараён шунчалик аниқ бўлади. Масалан, электр қаршилигининг меъёрдан ошиб кетиши организмда таназзул жараёнининг ривожланиши, қариш, тананинг ҳаётий функцияларининг пасайишини кўрсатади. Ҳар бир шахс учун назорат қилинадиган биофаол нұқтасининг электр қаршилигини меъёрий қиймати индивидуал бўлиб ва у тўқималарнинг электр ўтказувчанлиги билан характерланади.

## REFERENCES

1. Ahn W, Kim J-T. Blood Glucose Measurement Principles of Non-invasive Blood Glucose Meter: Focused on the Detection Methods of Blood Glucose. *Int J Biomed Eng Technol.* 2012; 33(3):114-127. doi: 10.9718/jber.2012.33.3.114
2. Бабенко А.Ю., Кононова Ю.А., Циберкин А.И., Ходзицкий М.К., Гринева Е.Н. Динамика развития методов контроля гликемии от инвазивных к неинвазивным. Актуальные перспективы //Сахарный диабет. 2016. –Т.19, №5. doi: 10.14341/ DM7760. С.397-405.
3. Эльбаева А.Д. Неинвазивные методы диагностики концентрации глюкозы и холестерина в крови // Международный журнал прикладных и фундаментальных исследований. 2016, № 6-2. – С. 301-305.
4. H.M. Heise, R. Marbach, G. Janatsch, J.D. Kruse-Jarres, Determination of Glucose in Whole Blood Attenuated Total Reflection Infrared Spectroscopy, || Anal. Chem. 1989: 61, 2009-2015.
5. Портнов Ф.Г. Электропунктурная рефлексотерапия. - Рига: Зинатне, 1987. –352 с.
6. Nakatani Y., Yamashita K. Riodoraku Akupunkture. Japan. Tokyo. 1977.
7. Гулиев А.А., Жураев Г.У., Турапов У.У. О создание неинвазивного компьютерного биоизмерителя для анализа биофизических показателей биологически активных точек. Ахбороткоммуникациялар: Тармоқлар, технологиялар, Ечимлар. №4(60), Т., 2021. С.20-26.